



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 21/12/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Kommunikatioun & Medien weiderzeleeden.

A menger parlamentarescher Fro n°2657 hat ech de Minister fir Kommunikatioun a Medien d'CNPD iwwert de Fonctionnement vu verschiddene Prozedure bei der CNPD befragt. Den 20ten Oktober 2020 huet d'CNPD d'Prozedur vun de Reklamatiounen schrëftlech an engem Dokument festgehalen (ze fannen op <https://cnpd.public.lu/fr/decisions-avis/2020/procedure-reclamations.html>).

An deem Zesammenhang wéilt ech dem Minister dës Froe stellen:

1. Am Artikel 4 vun der Prozedur steet geschriwwen, datt de Plaignant sech als éischt beim DPO vun der betreffener Organisatioun fir seng Rechter asetze muss, ier en d'CNPD aschalte kann.
 - Wou ass dës Dispositioun am RGPD oder am Dateschutzgesetz vun 2018 ze fannen?
 - Kann de Minister confirméieren, datt sech dësen Artikel nëmmen op Fäll "en matière pénale ainsi qu'en matière de sécurité nationale" bezitt?
2. Am Artikel 6, zweeten Ënnerpunkt, vun der Prozedur steet geschriwwen:

la réclamation est rédigée dans la langue luxembourgeoise, française, allemande, (y compris les documents joints et attestant les faits décrits dans la réclamation) ;

Falls ee Plaignant mat enger auslännescher Firma ze doen huet an dëser Firm net an enger vun den 3 Amtssproche schreiwe kann, mee op Englesch, hält d'CNPD dës Reklamatioun an dësem Fall un oder muss de Plaignant se vun engem staatlech unerkannten Iwwersetzer iwwersetze loossen?

3. Am Artikel 6, drëtten Ënnerpunkt, vun der Prozedur steet geschriwwen:

la réclamation permet d'identifier son auteur, à savoir qu'elle contient au



www.piraten.lu

moins ses nom et prénom ou sa raison sociale et son adresse postale ;

- Aus wéi enge Grënn huet d'CNPDP beschloss anonym Plainten (an deenen d'Plaignanten awer zum Beispill eng Mailadress hannerloossen) net zuzeloossen?
 - Wat ass d'legal Basis vun dëser Decisioun?
 - Wéi gi mat dëser Dispositioun Whistleblower geschützt?
4. Den Artikel 8 beschreift den "Déclenchement d'une procédure d'enquête suite à l'instruction d'une réclamation". Heizou hunn ech folgend Froen:
1. Gëtt de Plaignant informéiert, wann d'CNPDP eng Enquête opmécht ? Wann nee, firwat net?
 2. Wéi gëtt de Plaignant iwwert de weidere Verlaf vu senger Plainte um Courant gehalen a wat sinn d'Delaien, déi dofir virgesi sinn?
5. Am Artikel 10 vun der Prozedur steet geschriwwen:

Si la personne concernée souhaite être informée de l'état d'avancement de sa réclamation en cours auprès de la Commission nationale, elle peut contacter la CNPD par voie électronique ou postale en y mentionnant la référence attribuée par la CNPD à sa réclamation. La CNPD se réserve le droit de ne pas apporter une réponse à une demande d'état d'avancement d'une réclamation qui serait formulée endéans un délai de deux mois à compter de la date d'introduction de la réclamation.

De GDPR gesäit am Artikel 78 (2) vir, datt wann d'CNPDP spéitstens no 3 Méint de Plaignant net iwwert den Etat d'Avancement informéiert, datt d'Persoun da berechtigt ass, ee Recours virum Verwaltungsgeriicht ze maachen. Et stellt sech d'Fro vun der Finalitéit vum uewen zitéierten Artikel. Aus wéi enge Grënn huet d'CNPDP dësen Artikel esou an der Prozedur festgehalen?

Mat déiwem Respekt,



CLEMENT Sven
Député

